



0 84252

序

吾師天香先生少負奇才曾以鐵馬辭受知國朝伯媛是
故許進士方別駕樂爲之媒將成禮矣會太夫人病
先生卽輟吉遄歸而所聘則憂姑之憂因而亦病明
年太君愈而嫁娘殤矣惟玉照尚存香館其才其匹
其天質之美絕世獨立十年相攸一字而天至不得
與廟見之婦耐主而祀何數之奇也吳越多才同聲

新序

增一

扼腕一時慶輓佳篇後先酬答許進士輯而梓之名
花仙小志志美人名士之窮也事隔廿餘年漸無知
者一昨劉丈恕堂謂馬丈梅亭言比見浙人文選有
蔡太史花仙一傳事甚雅而情可悲且作合之禮成
於詩而愆期之疾本於孝詩禮孝淑於義可風其志
旣曾有歸柩之請公盍以雙溪淨土築花仙之墓表
彰潛德宏獎風流正賢侯事也周禮禁遷葬與嫁殤

者殆周時禮耳今遷葬在在行之於嫁殤何有且西
江名墓如澹臺子羽傳會也温太真墓衣冠也高賢
名士尚可以分塚流芳供人吟眺山川於是乎有靈
志乘於是乎生色顧忍坐失傳文乎彼西施治吳鴟
夷再辱徒以色而苧蘿傳焉昭君文姬非節也而或
傳青塚或傳笳拍綠珠之井既不終湮玉環之轍且
難終瘞甚至訪文君之壚表桃葉之渡弔朝雲之墓

新序

增二

構琵琶之亭於義奚取然而古今名輩鮮不欲流連
賦詠附之而傳則何也蓋奇忠顯節古有常旌隱秀
幽芳賴茲風雅嗇於遇者豐於名鬱其身者榮其墓
盈虛倚伏天道宜然文章者五色石乎不有其蹟何
從詠懷梅亭丈極快其說因索觀吾師鐵馬舊辭則
已失其稿有華曾收得小志殘板用重刷而增序之
以答二大夫採風尚德之意兼以玉墓之成也二大

夫與吾師至交夙稱其清風素履不愧澹臺而茲集
締姻之雅更有過温家玉鏡是則南州兩名墓流風
韻事萃於斯舉若果成之則陳蕃有榻孺子有亭當
與二大夫芳名同壽不亦善乎有華何幸與漚舸公
車同載過西湖展仙厝返王喬之玉棺埋繡谷之香
土庶曇花一現之因肇於方許而佛國三生之果證
自龔黃不佞且欲學填詞譜佳話並傳吾師李夫人

新序

增三

婉德之美以證夫數之奇者終必能偶信煉石能補
天也增刻之意且欲藉是以廣徵題詞並垂不朽二
大夫之仁言溥矣嘉慶十二年春月都昌黃有華敬
書

怡恭親王題花仙遺像

紅絲易斷綵雲飛
明月生寒照羽衣
蘭是前身空一現
拈花旋報謫仙歸

玉爲肌骨繡爲腸
一枕遊仙夢已涼
幸是冰魂深護惜
遺容猶得伴香郎

白香居士屬題其元聘室花仙遺像不穀因並讀
其李安人幘端小記清才韻事皆良偶也乾隆甲

題詞

寅孟陬之朔有六日怡親王訥齋題并識

增四

附香師報謝之作

慧雲香霧本難消
誰爲靈均賦大招
威鳳也知憐蜀魄
咸池應許和秦簫
陳王美女懷高義
宋玉巫神諷細腰
從此芳名真絕代
碧桃枝折轉天天

耿耿星文夜不刊
梧臺詩思逼高寒
客雖疎放如公幹
時際昇平薄建安
八斗才華成賦易
一春花

事報恩難蔡心欲化淮南竹聊與君侯作釣竿

附香師自題花仙照四首

短夢荒祠見已頻香光離合總難真仙雲欲散偏臨
水花雨無端又著身天旣不全空煉石病猶如此倍
傷神可憐夫壻觀遺像似否翻教質向人

環珮珊珊入夢遲披圖多在酒醒時初心尙慮新婚
別隔世方成却扇詩莫笑睢鳩同寤寐何堪苕菜竟

題詞

參差人前未敢悲荀粲猶恐高堂責畫師

增五

鐵馬嘶風入洞房拜君兼拜顧長康不曾廟見難題
主爲解親憂怕悼亡恨結三生應化石書推五勝屬
埋香關睢若鼓湘靈瑟忍使周官禁嫁殤

展卷支頤喚不膺蘭心當有暗香凝徒令後死成消
渴猶幸先春未泮水白石神絃哀紫玉青溪幽怨託
韓憑癡魂欲共蝶飛去十二碧樓層更層

憶自侍天香館時拜瞻遺像益信曩昔諸名士
驚歎不虛千古傳人斷由天授幘中焚缺處有
恭王鑑定題詞印以小寶名蹟也幘末則吾師
報謝二詩及自題四首茲併補刻於舊志卷端
用題小詩附錄於後仲實黃有華謹識

一瞥飛仙影千年別恨中玉蟾猶照水簷馬但
嘶風漫說因非果何嘗色是空蘇堤芳草外花

題詞

壇六

雨尚濛濛

澧浦潺潺咽雲和未忍聽那知神劍合如望海

山青袂襍紛流水煙嵐繞畫屏只今湖上月遊

女拜湘靈

雨花猶帶淚種玉喜成煙昔夢原非蝶新眉已
破禪西冷一篙水離恨幾層天草草三生事經

今二十年

莫謂曇花幻猶多未了因護持應有力圖畫豈
非真鐵馬銷塵劫桃源漾古春玉簫奚足韻仙
樂譜良姻

宿草湖西路春春哭杜鵑有心歸淨土無地葬
神仙萬古名偕老雙溪月對圓吾師信才絕端
不羨文園

題詞

完商
第五

第五
完商

增七

題詞用香師自題花照韻

龔 鈺 溫 舸

此日西泠傳蔡傳當年香館拜仙眞一編舊志
貞珉石千古新孃重報身魂返玉棺歸繡谷詞
翻鐵馬唱花神祇今誰證三生果佛國還瞻寶
相人 我住三衢廿載遲未看遺釧殞花時蝶
香不散餞春地樓月曾盟感事詩一鑑明湖心
耿耿終年芳草綠差差行閒恍坐桃源嶺紅雨

題詞

增八

滿天懷我師 寶峯鐘石題嘉慶詎滅柯山記
太康未似埋仙空諱死豈當豔世尙云亡珮環
知認雙溪月幢節還書五字香王母碧桃開總
落瑤臺誰與論彭殤 空山仙問那能磨一縷
心香底處凝何事玉簫閒倚月幾人寶瑟愛彈
冰旛能卜吉眞堪壽記好招魂信可憑再拜題
詞望香閣蓬萊宮館路層層

序

秋宵弄筆隨意選錄天香先生所作詞一編以百首為限遂題曰香詞百選適有良梓命即以拙書錄之惲子居師嘗言天香館詩餘亦空前絕後黎湛溪師以為然吳蘭雪中翰至謂讀舒詞能令人甘為情死其見賞於知音若是然則鈇之斯選也雖有愧博採精鑑或亦可持贈當今才子共先睹而為快者乎昔嘉慶己巳歲菊秋之望南州龔鈇適甫書

香詞百選

序

一

嘗讀宋廣平梅花賦張乖崖小英詩與其人剛腸烈性絕不相類心竊疑焉既而讀吾師天香先生所作詞乃竟有湯休綺語未破之叅一指當心三生頓悟天花亂落人口俱香亦與其風節不類廣平乖崖正應作如是觀也有華下第歸謁師南州適吾友漚舸選錄此詞將付梓不禁有高辛先我之歎因笑五上春官數萬言不及吾季公選樓一夕之譽聊用附名簡端爾都昌黃有華

香詞百選一百首併附錄填詞共四十五葉

靖安舒白香先生夢蘭戲作詞稿

南昌龔鉞漚舸選錄

滿江紅 自題詞集

幾斗才華祇釀得一腔紅淚。休小看、虛香葩豔，許多
情思。騷愛蘭荃，皆寄託詩存。衛鄭非譏刺，是文王纔
現美人身。將誰比。華山下，希夷睡。廬山下，淵明醉。
笑神仙高士，也都遊戲。夢裏因緣寧可信，壺中事業
差堪記。自莊生蝴蝶兩相忘，方如此。

香詞百選

玉聯環 過嚴陵釣臺

十載嚴州重到，發一聲長嘯，篷牕卧看子陵臺。伊尚
為高名垂釣，有甚山林廊廟，但從吾好。若將山色
傲雲臺，反不免巢由笑。

賀新涼 驛亭紀夢

玉宇頻回首，驛亭中，離愁別恨，咽成長漏。屋角蛛絲
篩明月，並我紗幮涼透。漸醒得，襄陽殘酒，樞馬啖芻

聲最遠，在江南。夢見伊人後，岐路側，尚攜手。綠羅襟，襟芙蓉袖。再相逢，眉心方展，淚痕如舊。笑倚香奩，叮嚀語，鸚鵡隔簾聞否。却又恐，槐柯將朽，箭裏光陰。潮外信，誤渠儂，折到蕭蕭柳。秋去也，更消瘦。

洞仙歌 送春

春來幾日，便聞春將去。滿苑鶯花恁憔悴。歎人生好事，多半恁恁。姑且向離恨，天中沉醉。梨雲原是夢，攬鏡窺簾，十八風鬟，傍儂墜。小柳不勝扶比，到腰肢，媚絕處，春心難繫。最可恨，樊川送春時，但綠葉成陰，一衫紅淚。

香詞百選

二

綺羅香 尋梅不遇

枕上灘聲，簾中柳色，都是別情離緒。暮雨朝雲，恰好玉山深處。記年時，驕馬行春，曾罵付、早梅為主。試重尋，竹外香魂，蘼蕪一徑，王孫去。誰料巫陽易暮，惟見疎林片月，似他眉嫵。穠李夭桃，紅殺不招人妬。為關心，前度劉郎，翻誤爾後來，崔護。最淒涼，燕子樓空。

但聞新燕語

南鄉子 常山舟中

終夕為君愁，愁到天明也便休。貪看梳頭忘早睡，嬌羞滿鏡芙蓉一笑秋。五日到衢州，風雨多情阻客舟。聞說順風翻墮淚，難留浙水緣何不倒流。

翠樓吟 題張星丈姬人度曲圖

紅杏尚書，青衫司馬，晚歲慣修眉譜。遠山如畫裏，只相隔一層雲母。桐陰方午，坐菡萏香中，情禪初悟。關

香詞百選

三

心處庾郎詞賦，謝娘歌舞。偶誤減字偷聲，被小鬟瞞過，不曾回顧。聰明多喜事，敢私校曲中魚魯。風流郎主，恐燕燕身輕，乘風飛去。留春住，戲研金碧，築成花隴。

小樓連苑 寄內

月明山寺蕭條，一林黃葉西風緊。簾旌拂地，簷鈴私語，歸鴻成陣。四壁秋蟲，三更杜宇，幾多愁信。歎銀潢如鑑，涼雲似水，照不見文君影。顛顛沈腰潘鬢，病

相如。那堪朝請題橋捧硯，鷓鴣沽酒，有他風韻。枕畔
文鴛，釵頭紫燕，雙棲何穩。念卿卿此夜，為儂惆悵，也
應難寢。

減字木蘭花

春寒滿袖，對籠雙手，捫誰瘦。莫更捫心，惹得渠儂笑
不禁。衣香誰處，目語雙鬟，驛郎主。若是郎香，好共
梅花做一床。

沁園春 憶別

香詞百選

四

相見無言，別亦無言，更惱殺人。記凌波顧影，魚猶驚
豔，彈箏點拍，雁已銷魂。羅綺身裁，花枝情性，不是巫
山。莫化雲粧樓近，便簾垂四面，也露春痕。真真一
樣花神，又何必披圖百喚君。縱眼前言外，難尋後約，
眉間心上，早悟前塵。三疊陽關，一聲河滿，恍若鈞天
夢裏聞。添離恨，怕仙源失路，再見無因。

摸魚兒 秋夕代柬寄樂蓮裳吳下

滿天星似儂心緒，教從何事書起。牛毛小字，星星大

也沒那般長紙雲破處便瀉盡銀河不敵懷人淚難
忘舊雨是梁苑春朝梧臺秋夜相對兩無語 題游
記絕妙詞方付梓傳聞君在吳市英雄各有吹簫恨
豈戀舞衫珠履常自揣縱可縮江湖地入蓬廬裏孤
寒數子聞黃海西橋史根石俱在吳下恐見愈心酸何如不見留得
眼中水

鳳凰臺上憶吹簫

窄窄春衫寬寬羅袖姍姍繡佩齊腰恨碧湘三尺掩

香詞百選

五

映雙翹任爾珠圍翠繞偏只愛淡抹輕描人都在他
先迴避却又偷瞧 眉梢一痕柳色籠兩點秋光水
遠山遙喜髻雲鬟鬢臉襯紅潮不信旋螺宜笑先請
看粉嵌櫻桃櫻桃破黃鸝數聲立地魂銷

減字木蘭花 寄內

歸雲如紙我欲題詩遙寄汝寄到南州柳外斜陽竹
外樓 簾波細湧倦倚花闌春日永怕見黃昏燕子
歸來已閉門

洞仙歌 風懷

病來幾日，便厭厭如此。切莫甘心為情死。奈靈犀一點，弱柳三眠，偏不許二月東風扶起。重重簾影外，十二屏風，孤負今宵月如水。相見本無因，見亦何妨，却又向人前迴避。料此意君家便都知也，未必公然，讓儂憐爾。

又

早梅時節，到孤山前院。簾幕層層暗香滿。任三千珠

香詞百選

六

履十二金釵，都不及箇裏春光一線。蓬山纔咫尺，弱水無波，欲渡憑誰問。深淺鸚鵡，却多情、錯報儂來。言未了，瓊環聲遠，想必悔衣香被人留。試悄摸花茵，坐間猶煖。

又

龍年虎月，記佳辰廿九。錦繡錢塘慶慈壽。正滿庭珠翠，幾部笙歌，都到了。只有伊人落後。水晶屏六扇，第二窓中，暗裏時時一回首。莫道不留心，左右雙鬟。

偏故故向伊添酒，且笑問，今宵牡丹亭，已唱過還魂。
阿姨知否。

又

清明上巳，在今年同日，昨夜淒涼，又寒食，料闌干玉
軟錦瑟，情長扶不起，莫笑東風無力。粧樓三面竹，
一面桃花，雨後燕支正狼藉。頃又到君家，翡翠屏中，
遙望見，玉缸凝碧。若不是，依然夢相尋，幾錯怪卿卿。
負儂今夕。

香詞百選

七

高陽臺 春感

窄徑相逢，衣香難避，登時化作相思。柳絮無情，也還
依戀游絲。莫教今夜簾中月，學初三，飛上蛾眉。一般
兒愁似鸚哥，瘦似花枝。何年再問桃源渡，悵雙雙
粉蝶，个个黃鸝，拍遍欄干，斷魂仍在天涯。崔郎不怕
春郊遠，怕東風，落盡燕支。寂憐伊，眼底分明，意下參
差。

菩薩蠻 望舒樓晚眺

簾櫳各有青山色，黃昏不礙纖纖月。月也莫教多，多時人奈何。樓中燈一點，望斷深閨眼。愁聽暮蛙聲，宵宵婺女城。

浪淘沙

五月十五夜婺源望舒樓志別

月色滿闌干，無數青山樓臺都似夢中看。我欲乘鸞飛去也，仙佩珊珊。來去別俱難。幾疊陽關一聲長笛五更寒。吹到落花梅已熟，徒自辛酸。

白蘋香

元日戲贈

香詞百選

八

細葛輕裘易換，朱顏綠鬢難留。寸心容得幾多愁。且解金貂貰酒。柏葉今朝入頌，菱花昨夜梳頭。吳姬十八鬪嬌羞。一旦人人十九。

雙雙燕

效山谷體

那時乍見在光碧堂中，隔簾遙拜，癡魂失路，已入淚天情海。欲遣微波作介，又恐爾蓮心不採。無端一縷游絲，挂住彩雲樓外。難怪當初未解，你暗裏傷心，人前遮蓋。真啼假笑，依舊十分瀟灑。畢竟難欺眉黛。

青鏡裏花容漸改，全憑夢作周旋。夢亦萬千難買。

如夢令

題余秋室學士美人圖

莫笑虎頭癡絕，爭奈者般顏色。春亦不多紅，淡到菊
花時節。嬌怯嬌怯，愁斷一雙新月。

河滿子

元夕和樸園韻

鬢影遙憐月榭，春心密赴星橋。遊女莫嫌詞客妬，一
年幾度元宵。笛裏誰家梅落，燈前若箇魂銷。可信
華顛蓋雪，都曾竹馬垂髫。行樂要看新草色，金鞍碧

香詞百選

九

路迢迢，試問探花中酒，何如對鏡吹簫。

陂塘柳

七夕懷舊

悵燕雲接連飛閣，忝差山色圍住。簾櫳不礙纖纖月，
一片夜情無主。原可妬，是那日青苔石畔垂楊渡。桃
花幾樹，看點點絲絲，撩人春思，飄落浣紗處。銷魂
路，自此吳歛楚舞，當筵誰肯輕顧。簷鈴未解人離恨，
猶效金臺兩汝。憑與訴，便眼下，乘槎直上牽牛渚。秋
霄零露，但一水盈盈，雙星脈脈，空對好眉嫵。

荊州亭 即境

樓下一行垂柳，簾外晚霞如繡。小婢學多情，也喜為
儂回首。花比玉容還醜，眉似楚山常皺。應是背人
啼，減却夜來紅袖。

大江東去 過赤壁 遭風用坡仙韻

名山名士，最移人青盼。可云尤物，窈窕黃州千雉外，
一片紫雲如壁。渺渺江波，依依楊柳，春絮飛成雪。風
流恬澹，此翁真是豪傑。驀地巨浪翻天，長鯨赴海，

香詞百選

十

殺氣乘風發，恍似周郎燒赤壁。萬櫓千檣齊滅，我類
曹公，扁舟幸免。生路微於髮，烏樓無定。短歌空對明
月。

長亭怨慢 題燕子樓

任採訪三春風信，甚處青樓。有他情恨，錦樣年華，十
分花貌半愁損。燕儔鶯侶，原沒得鴛鴦分。到死不雙
飛，便化作鴛鴦誰肯。雁陣每南征，北嚮喜見玉欄
遙凭。差池弱羽，轉能傍畫梁相近。最可愛兩兩孤棲，

不辜負香泥紅粉，縱寵冠昭陽，應愧伊行輕俊。

奪錦標

虎印舟中觀競渡戲作

畫鷁凌波，朱旗擁楫，兩岸衣香成霧。幾隊笙歌如沸，翠幃分馳。木蘭爭渡，只蓬窗半面，已默喻。風懷無數。恨龍舟遮却郎船，忘記今朝端午。楊柳誰家巷陌，錦樣苔痕，消受許多蓮步。驀地相逢，疑夢飢殺劉晨。渴傷崔護，縱情長似水，也難合。浮萍飛絮，羨橋頭雁字欄干，恰在藕花深處。

香詞百選

十一

天香

胥山月夕

雲淡於交，星稀似客，淒涼獨坐山館。隱約釵聲，迷離鬢影，相隔一層羅幔。花磚幾片，却更比蟾宮還遠。瑤砌方凝蠟淚，瓊樓又喧歌版。嫦娥自來，斂怨逞聰，明誤人非淺。若肯未圓先缺，有誰驚艷。故故香濃鏡滿，況久在簾間識儂面。月老無情，天公不管。

洞仙歌

題漚舸清泠集

黃昏細雨，正清明時候。打疊愁腸付杯酒。歎年年此

日轉更無聊，魂斷處偏插幾枝楊柳。小桃墳上草，
遮莫紅心，忍見王孫為春瘦。我本怕多情，既受伊憐，
怎禁得淚衫青透。敢讀遍清泠集中詩，已字字行行，
滴成簷溜。

剔銀燈

七夕

我在章江南浦，卧見銀河西注。滿眼星星相看脈脈，
總被風波攔住。有懷難訴，又豈但天孫情苦。且幸
秋期無阻，却已千年千度。郎既如牛，媒原是鵲，偏尚

香詞百選

十二

玉皇公主姻緣典簿，描錯了許多眉譜。

桃源憶故人

花仙墓

銷魂最是埋香處，想見當時眉嫵。春意不留人住，一
旦成千古。為君築箇藏春隴，莫被東風吹去。腸斷
夕陽歸路，幾點清明雨。

滿江紅

丙午清明

如此清明，已儘穀愁人消受。况夾岸長楊掃地，黃昏
時候。舞扇歌終，花落夜踏青興盡，人歸後。歎西冷南

浦別經年情依舊
心頭事眉峰皺紅淚濕青衫透
笑愁潘病沈那堪消瘦兩鬢淒風吹暮色一帆落月
催寒漏恨紙錢燒盡沒魂來空回首

減字木蘭花

記良素語

元宵一別月暈眉痕相對缺
七里桐江夜夜姮娥影
不雙花朝已過雨後落紅猶未果
夢裏呼君又被
同舟小婢聞

又

香詞百選

十三

春愁如許閒倚舵樓嬌不語
船若生根生在嚴州百
順門綠楊如畫何處王孫來繫馬
草草相逢彼此
都疑在夢中

漁家傲

閨到花朝春已半
梨雲夢薄鴛衾暖
玉鏡臺前紅萬
點桃花片淚痕一樣無深淺
繡罷支頤拈綵線香
絲合是同心繭織女黃姑猶可羨
雖難見簾中更比
天河遠

賀聖朝 題杏林雙燕圖蘭雪第四妹筆也

折枝莫使臙脂褪，著些些紅粉，簪花筆格散花人，寫
花中文杏。莊姜離緒，謝娘幽韻，比兄才還俊。曲江
高會燕差池，是此番風信。

念奴嬌 閨情

滿窓紅日照春閨，處處晏眠初起，鴛枕未寒，香漸歇，
愁殺南柯蜂蟻，擁被尋釵，披衣約素，綃帳明於水。狸
奴輕薄，慣從簾底偷覷，最好雲髻猶鬆，寶奩斜立。

香詞百選

十四

對鏡慵梳洗，十二欄間花欲笑，鸚鵡學人私語，卻月
微彎，小山宜淡，刻意脩眉，史莫教瞞過，此時都有心
事。

賣花聲 懷仙

剪燭看吳鉤，眼底心頭，他生未卜此生休，任爾落花
情盡也，畢竟難丟，好夢不多留，舊恨新愁，太平何
忍覓封侯，賴有文章傳姓字，鐵馬悲秋。

瀟湘夜雨

雨打清明風吹寒食可憐春已無多風風雨雨奈春
何。搖得醒花間蝶夢降不住心上愁魔長亭柳千絲
別淚一寸橫波。前年今日去年昨日都付驪歌更
誰來留戀粉黛香羅鸞鏡滿平分月已簾影暗斜抱
雲和相思夜挑燈點筆閒譜憶秦娥。

綠意戲贈

龍涎鳳背只暗含不吐香霧三里遮莫嬌羞微轉鶯
喉變盡人間宮徵眉峯儘設遙山妬况別有秋眸如

香詞百選

十五

水亘耐他簾底纖纖到芙蓉方藥曾記珠悵怨
卧釵橫髻亂處越顯姿媚敢是前身少欠啼痕不住
要儂瞧爾蟾蜍直待今宵滿十五六象伊年紀斷送
却幾許雄心翻欲為情先死

羽仙歌效竹垞

畫廊西去有薔薇花架漏板蟾蜍咽遙夜正狸奴熟
睡仙犬無聲人到處一縷香生蘭麝疏櫺才片紙
未肯輕敲及見相迎反驚怕含笑欲回身小語檀郎

敢又是夢魂來也。試悄向燈前拜燈花，問不語猩猩者，番真假。

上江紅寄內

山影迷離，望不見、黛眉深淺。但惆悵、辛壬癸甲，塗山人遠。弱柳依依情似別，平蕪燕燕聲如剪。念粧樓、今日亦清明，簾應卷。
西冷下，萼芽短。南浦外，桃華滿。歎等閒孤負，玉卮檀板。奉母君扶靈壽杖，娛親我築天香館。要菜衣長似嫁衣紅，交相勉。

香詞百選

六

憶江南

題蓮臺繡枕四首
繡蓮

芙蓉枕，恰繡臉邊霞。解語停針窺鏡裏，懷人依幕望天涯。蓮子又蓮花。

如夢令

嵌金蘭

怎把金針全度，聊代猗蘭作註。隱谷易傷春，個裏琴心如訴。孤負孤負，不但美人遲暮。

羅敷媚

縹梅

壽陽公主沈沈睡，額上香痕。被下湘裙，縹作羅浮一

片雲 冰肌玉骨原清瘦，莫更傷春，爭奈黃昏，繡到南枝愈斷魂。

巫山一片雲 結繡芍藥

蓮心既寫雙蕖怨，枝頭又喜紅綃綻。花信未全歸，尚開金帶圍。風流宜贈芍，未許輕相謔。春意若闌珊，香魂去不還。

調笑令

粉壁粉壁爾也不知迴避，何妨化作玻璃，照見牆東。

香詞百選

十七

院西院西院，西院平白受儂埋怨。

又

莫怪莫怪我也出於無奈，誰教髻影書聲，幻作今宵月明明月，明月不管杜鵑啼血。

洞仙歌

元夕憶雪君西橋漚舸敏齋四詞客

元宵燈火望千門如晝，誰肯空齋坐相守。歎古今良夜多少，情人都似我不耐笙歌時候。迢迢江上月，流照三衢，定有清吟對春酒。應亦各無言，悵惜才名。

翻落在早梅花後，倒不若黃昏負情儂。好一片明蟾，幾枝新柳。

賀新郎 戴殿撰兄子新昏

百輛笙歌奏，御雕輪、珠鈿翠蓋，文鴛佳偶。步障千尋，圍樺燭、霞帔宮袍紅透。恰好似、朱陳華胄。繡毯氍毹，交拜處、嗚雙鬢。莫報金釵溜。郎本是、探花手。琵琶弟子，今韓壽。羨君家、端卿門第。阿咸居首，錦瑟年華，消艷福。休誤八磚時候。更喜遇、來朝重九。玉燕長庚。

香詞百選

十六

初入夢，笑伊誰立盡。蟾蜍漏應，勸我茱萸酒。

漁家傲

荆南觀競渡戲作

競渡聲中圍粉黛，胭脂湖上春如海。第一難忘伊姊妹。渾無奈，分明向我深深拜。莫謂同舟都未解。羈人險被遊人怪。感爾衆中佯不採。垂楊外，回頭却整香羅帶。

聲聲慢

效李易安體

別纔幾日，十二時中，時時在我意裏。自恨春前無故。

踏青相遇便該遠迴避却怎生自放心許這一刻
這魂兒驀地向空飛去夢到粧樓窄處問相思端
的是誰先起笑倚吟肩取箇鏡兒來比他偏說他憔悴
到而今都成病矣病瘦點比花間應益斌媚

鷓鴣天

隔幔遙山不肯平人前秋水但盈盈弱楊嬾娜堆鴉
重落葉尖纖入掌輕難寄語寢闌情兩邊風月共
三更常娥亦是銷魂種永夜淒涼各自明

香詞百選

十九

玉漏遲

秋山同我瘦生平最怕黃花時候衰草寒鴉做弄者
般重九不比當年張緒尚有那隋隄楊柳從此後任
他腸斷莫輕回首憐渠自小聰明被月斧風斤鑿
開情竇覆雨翻雲誰是補天高手一霎魂銷玉碎便
來世相逢難又香骨朽依舊化為紅豆

安慶摸

惜別

記來時野梅方笑疎香林下尋我鴉翎未整楊枝弱

簾底玉搔應墮剛病可寄一紙新詩字字渠能和偏
教悶坐着燕子飛飛桃花片片春恨兩眉鎖 鷓夷
舸且漫停橈轉舵烟波清興難果蕉衫透濕懷人淚
因向雨中行過猜不破回首處雙鬟耳語嬌無那歸
帆裊娜任一水聰明千山惆悵終日抱愁卧

西江月

自湘南歸過西山

漢水不消江漲西山助我東風醉吟聲暖浪花融喜
有烟霞迎送去日漫天絮白歸時夾岬榴紅端陽

香詞百選

二十

何幸在湘中贏得一船騷夢

洞仙歌

題湖心灑淚圖

去年今日記伊來迎接祖帳賓僚醺桃葉正笙歌畫
舫楊柳春旗香動處驚散一身蝴蝶芙蓉三十里
萬頃玻璃都向紅粧借顏色彈淚說相思屈指商量
還剩得幾多魂魄且莫怨生離最傷心恐再想生離
也應難得

羅敷艷歌 題詞

伊人韻絕兼才絕，好像梅花生在林家。冷澹心情不愛奢。班姬更比文姬媚，玉玉無瑕字字籠紗。瘦影香詞記不差。

子夜歌

黃昏樓閣深深院，垂楊碧處簾應捲。山色與誰同，愁眉萬萬重。雲帆曾幾疊，一舸歸桃葉。却笑浣紗人，空憐鏡裏身。

解佩令

題繡餘宵詠圖

香詞百選

二十一

一亭春色幾層楊柳，剪金蓮坐聽蟾蜍漏。睡鴨香濃，恰好是相思時候。捲湘簾，却停針繡。不修眉史，不修琴譜。展鸞牋，細吟紅豆。如此風情，怎禁得雙蛾綠。皺儘良宵，任人消瘦。

洞仙歌

元夜

懊儂生性帶愁根，恨果每到良時，淚偷墮。任笙歌結隊，錦翠開屏，翻不抵獨自剪燈閒坐。芳隣貧又樂，冷淡元宵，也要輸錢放烟火。羞殺月中娥，挂起星橋。

特地把雲關深鎖，但留得簷聲伴淒涼，使怨妾勞人，却來思我。

又和答朱雪君外翰

紅情綠意，得詞禪三果，筆底優曇向春墮。便千林貝葉，八部龍天，寫不出法會拈花趺坐。吾心惟竹垞，四果圓成，羅漢龕中嗣香火。喜見雪君詞，大振宗風，轉未免塵羈纓鎖。笑此鉢偏傳在家僧，到色相空時，莫分人我。

香詞百選

三

浣溪紗 題扇

十里笙歌擁畫船，秦淮風月浩無邊。殢人春色又今年。玳瑁香泥煩乳燕，綺羅紅淚屬啼鶉。落花飛絮恨絲絲。

解佩環

題李介夫編脩情癡印譜

癡情無據，似一縷游絲，隨風飄去。暮暮朝朝，死死生生，只在綠雲深處。紅牋暗記傷心事，搃不外人間兒女。笑伊行半世功名也，算花叢霖雨。任爾雄才大

畧便揮戈返日留春不住未必情癡且作情癡莫遣
華年虛度名山既有千秋筆落得畫生前眉嫵又焉
知蝶夢莊周不笑文章誤汝

憶王孫

題禪悅小影

畫橋烟柳暮橫塘水殿風來識妙香石上青苔坐晚
涼怕昏黃只見荷花不見郎

步虛詞

九日慰漚舸落解

天爵不要人爵才名折筭科名浣花溪上結鷗盟強

香詞百選

二十三

似曲江紅杏愛汝詩文並妙憐余心迹雙清可來
山閣一同登莫負重陽風景

長相思

雲有心月有陰竹外迴廊聽撫琴梅花正滿林病
已侵夢難尋咫尺簾櫳百丈深看看玉漏沈

洞仙歌

元日暗記

去年沉醉到今年方醒又把椒觴醉春景看殘蛾未
綠雙臉猶紅清鏡裏一朶曼珠花影金釵揉綵勝

鬢重蟬輕，髮鬢香雲墜。鶯領巧笑倩人扶，柳樣腰肢。
簾幙外倚風難定，試悄捻梅梢。玉纖纖，隔小袖豐貂。
比花還冷。

宴桃源

試問海棠開未，恰似春宵微醉。玉靨不勝顰，遮莫與
花同睡。慙愧慙愧，偎得一痕眉翠。

祝英臺近

祝英臺墓

斷紋琴連理樹，心事但如許。落照飛湍，聲色最淒楚。

香詞百選

三五

疎疎幾葉垂楊，愁眉不展，可曾見比肩人墓。在何
處，試託秋水通詞，泠泠似相語。指點霜林，一棹此中
去。任是黃菊開殘，也連根蒂，便都是祝娘香土。

解珮環

情碑恨譜，縱沒字可摹。心事如訴，麝裏櫻桃，墨裏霜
毫。曾記畫伊眉，嬾紅牋自寫。崔徽貌偏，姓氏似他郎。
主，惜恁恁未敢回書，多恐為儂嬌怒。惆悵扁舟別
去，望羣山萬壑，荆門何處。莫怪明妃，遠嫁單于，只怕

美人遲暮含羞斂衽殷勤拜。七字外幽懷全露且漫
誇筆格簪花孤負此中辛苦

小庭花

紀夢

綠柳朱輿妾在門。桃花馬上乍逢君。低鬟無語對斜
曛。弱絮尚憐潘岳鬢。昏鴉應戀寧蘿村。三生猶記
石苔痕。

重疊金

題繡帕

越羅輕薄秋雲淡。香痕想是芙蓉汗。中幘謫仙才兼

香詞百選

三五

工薛夜來。兩頭排卍字。中有迴文意。可惜寶連波。
風情未必多。

浣溪沙

題紈扇蝴蝶

夙世癡憨化作蟲。綠香深處覓殘紅。未妨遊戲是東
風。縱喜顛狂皆慧業。且將文彩奪天工。惹他紈扇
撲芳叢。

賀新涼

題芭堂觀察滌暑圖

一扇驅三伏。倩丹青團團寫出。許多清福。葛履蕉衫

欵石榻繞砌流雲堪掬聽柳浪蟬嘶相續袖裏輕風
池上起早吹來一片荷香綠梧影外數竿竹十旬
河朔傾醪醕可曾憶紅兒偷飲碧筒餘馥恍似梁園
消夏日同坐芳陰小築正雪藕冰桃新熟我弄朱華
君照影看蓮舟過處涼蟾浴情化水面如玉

摸魚子 題蕉鹿美人圖

寂淒涼綠陰庭院一窻晴月方午蕉心有恨何時展
石上紫苔如故橫笛處便吹徹陽關幾疊尤悽楚者
般眉嫵若見愈魂銷何如不見莫怪我無主 憑誰
訴試各從頭細數聰明顛倒相誤阿嬌倘釋長門怨
寧肯百金買賦原可恕却不道甄妃鏤玉天難補情
真夢苦任被冷蕉殘心煩鹿渴淚向枕函注

憶仙姿 題紈扇美人

眉與竹枝同色面比梅花還白爭奈舞衣寒况是春
歸時節嬌怯嬌怯贏得一身香雪

洞仙歌

去年今日杜蘭香米過冉冉紅雲夜深墮看雨飄鴛
瓦風捲鸞旗官扇裏盲寶光生蓮座嫦娥原是月
代汝團圓戲補情天證因果含笑別銀燈並照菱花
人立處玉蘭三朶料此夕卿卿亦難忘定小語更闌
倚肩愁坐

西江月

春日游三村桃花已謝

十里一篙春水三村兩岸桃花美人情態特嬌奢爛
醉錦鴛屏下冉冉紅霞易散層層綠幔空遮杜鵑

香詞百選

二七

聲裏望天涯嘶斷踏青驕馬

洞仙歌

人日戲柬

本年正月是寅寅當令月建逢庚歲逢丙料秋娘未
老春色方濃新睡覺一點額梅香影椒觴添竹葉
酒泛靈辰可奈蕭郎為伊病剪綵像何人剪作江波
好近我澌溪烟艇况復有才人是同庚謂滙敢不向
花前惜卿花命

賣花聲

吳越共黃昏芳草斜門栖鴉猶戀芋蘿村只有垂楊
多恨事春去無痕愁見灤溪雲灩灩離樽題襟難
寫病時真望眼不遮山萬疊誰與招魂

洞仙歌

杭帥邱秋分寄內

狂風浪雨正秋分時候那更孤眠聽殘漏任金鈴繞
閣畫戟凝香捻不敵夢裏粧樓如繡羅衾隨意薄
枕簟無情小小淒涼便都透僥倖不封侯若早封侯
怎長得牛衣相守待收拾湖山入詩囊即重擬歸期

香詞百選

天

菊先梅後

減字木蘭花

和韻

玉真仙子不厭長生不嫌死好似桃花種在瑤池阿
母家香痕暗搵莫是何郎傅金粉寫韻填詞却被
才華釀作癡

又

花精月髓酷似吳城小龍女詞筆尖新水樣聰明玉
樣人為伊腸斷斷到無腸伊不管却待忘情又恐

幽閨淚不晴

醉太平

愁根恨苗情真態嬌夫人恰似藍橋本琴心自招
花濃意消魂輕夢遙淚珠紅透鮫綃比瀟湘二姚

疎影

記舟人語

奴儕固醜但只取淚珠量得三斗妬也多情怨也多
情爭肯半途分手將軍尚有慈悲意不忍折青青垂
柳怪步兵管領官厨反欲樽前逃酒 僥倖蘭溪已

香詞百選

三九

過命旌旗鼓角讓儂居後姊拜封姨妹拜天妃竅喜
風潮狂吼嚴灘正好垂君釣直住到來秋初九便學
他織女孤棲差勝隔河相守

虞美人

戲贈

歌筵覩我聲多誤贏得將軍顧蓬窗私語没人知最
是月斜風動放船時無端姊妹空相妬不許留誰
住今朝小婢笑鋪牀却向枕邊同覓夜來香

摸魚兒

破風情遍栽楊柳，幾人能遇青眼。蘇堤十里桃花笑，
蹴地赤繩猶短。塵一點，便許傍凌波小步，彌香艷。那
回乍見，正碧玉如瓜，冰紈障水，簾幙晚風捲。淒涼
犯，頗怪魚疎雁懶。歌喉為我，悽斷揚州舊夢，非無據。
其奈綺羅雲散，難自遣。是汝輩芳心，不為年華換。癡
魂可念，在紅杏牆頭，青衫馬上，淚近楚天遠。

金縷曲

舊恨如殘月，好長宵、林梢水際，少圓多缺。甚處簾櫳

香詞百選

三十一

魂易斷，總為蕭郎愁絕。記那夕、笙歌来接，我共將軍
方病酒，奈諸姬索句無休歇。鄉折紙，妹磨墨。銀燈
畫舫吟桃葉，怪伊行人前，恹恹背人親熱。可歎之江
俱下水，况復西風早發。最苦是匆匆行客，十對金釵
三斗淚，負渠儂五度清秋節。愁未了，又愁別。

攤破浣溪沙

菊慢香衾睡正濃，好憑新夢過牆東。恍憶前年端午
節，畫船中。覓遍人間桃葉渡，總輸林下謝家風。怡

悵一聲驚我覺五更鐘

感皇恩

荷葉捲心時，玉蟾空照。一片溶溶鏡光曉。碧油青蓋，埋沒許多花貌。綠蒲雙浴處，鴛鴦小。梅子剛酸，木蘭回棹。可惜蓮心為伊老。幾行愁字，只有斷鴻知道。若還忘記也，夫公惱。

減蘭

題定娜殘扇

癡魂怨魄六度秋風抱。殘月憔悴芳姿，想見桃花落

香詞百選

三十一

扇時。憐卿憶我為寫閒情付漚舸。並寄羅巾，好向他年索淚痕。

御街行

秋寺和范文正公詞韻

寒螢點點依苔砌。殘月裏星光碎。禪林孤峭一螺青，但有湖天無地。飛瓊何處，步虛聲到，香霧迷三里。年年不飲心常醉。頻暗搵秋衾淚。高眠遲汝夢來尋，細說相思情味。題橋韻險，凌波徑窄，此際應難避。

菩薩蠻

并引

嫵媚榜人女有聲於浙吾友自杭還三衢嫵媚得
載良自喜冬日行富春山色之中晴曦滿窓舟平
如掌嫵媚曉粧初罷簪頭真蠟艷艷作羅浮之香
客或謂言林逋紙帳與黨進羔酒銷金卿安所擇
嫵媚低聲唱竹枝微笑指下游諸峰遥答云儂本
去孤山不遠作小詞記之

小眉分得吳山黛輕顰不許遊人愛疎影入篷窓花
身共一雙映簾偷看客乍見先愁別却問夢君時

香詞百選

三十一

他年未必知

欵乃曲并引

某既為嫵媚作菩薩蠻詞有客至蘭溪相迎見其
稿因語嫵媚卿何修得此嫵媚淚潄潄答言天既
無情發順風日且數舍儂又不先一年死乃見此
郎郎又不合眷儂痴如此之恨與波無際客憐其
慧復命作小詞贈焉

玉釵紅淚逼人寒濕到鸛裘不易乾畫舫銀鐙照行

色客愁江水共漫漫

陂塘柳立秋有感

盼秋涼立秋時到、簷前已滴秋雨、梧桐未老芭蕉碎、
自此伴儂愁起、書片紙便寫盡相思、畢竟憑誰寄秋
期、漫許正浪濶魚沉、天長雁杳、咫尺恍千里、飄零
去爭奈西風行李、啼粧應愈憔悴、芙蓉不解湘妃怨、
終是尋常羅綺、眉月裏任髻亂釵斜、彈淚看牛女、銷
魂有據、在燕子多言、鸚哥薄倖、輕洩懊儂語。

香詞百選

羅敷媚

和霞軒世子梅影詞韻
附戲作原賦於後

秋風陣陣催黃葉、雁過南樓、人在西州、鎮日珠簾不
上鉤、淒涼最是重陽雨、滴到心頭、惹起新愁、淚在
娘前不敢流。

附梅影賦并序

梅而影則似梅而實非梅也、賦梅影乎、秦家小女
恰有斯名、竹外斜枝、居然殊色、倚冰霜而獨立、薄
桃李而無言、後花朝七日之期、結靈石三生之想。

秋眸悄注湘紋起簾內之波春士重遊酒渴動門中之感不免私停玉勒試訪金釵方知瘦損蠻腰眠殘衛髻映雙扉而暗泣指孤燕以明心郎去何時一舉步儂都熟記儂原未語九迴腸郎豈能知無由死作啼鶉也勝夢隨嘶馬從此短鍼長線總繡香郎聊憑淡月疎窻暫描梅影

本林逋之幻妾兮曾脫胎於秦觀效離魂之倩女兮舞破鏡之孤鸞附羅浮之皓魄兮倚庾嶺之琅

香詞百選

三四

玕待巡簷而索笑兮隔雲漢之漫漫歎飲香之雖易兮欲攀折而殊難當夫雪壓瓊枝春心微露意耿耿而昏態紛紛而挂樹讀書燈外歛紙帳而無言刺繡牕中對小星而生妬過短牆而竚望魂銷金勒王孫藉長笛以傳情泣下江城嫠婦三冬素女十八封姨聯成香伴分繫紅絲領袖羣花姓入廣平之賦橫斜一水名傳和靖之詩若乃蟾兔將昇海霞初放憑蕩婦之粧樓逐遊春之畫舫長

生殿遠影招妃子之疑羔酒更闌夢入將軍之帳
固因空而生色亦何色而非空雖無質而有心縱
有傷而無恙此西州之花史為同心而惆悵者也
藐姑射山人為之歌曰鳳城兮南陌館娃兮宮北
粉瘦兮肌寒暗香兮虛白逢驛使兮江皋渡美人
兮蘭櫂行巫雨兮巫雲迓桃根兮桃葉今夕兮何
夕看朱兮成碧露襟袖兮濃香步輕塵兮響屐貯
冰雪兮羅亭望綃裳兮簾額慮顛顛兮昔容憶芳

香詞百選

三五

姿兮畫筵楚魂兮莊蝶湘靈兮蜀魄春曉兮亭亭
黃昏兮脉脉固傾城而傾國惜空花兮難折

浣溪沙

附戲作小記於後

秋眸如剪淚如泉剪斷江波不放船盈盈相望一千
年驕處石崇休說富癡時王衍不名錢拜翁仍倚
玉郎肩

附寅寅曲

并記

寅寅權女也美而驕見者艷之私覲則又皆怨之

一日兩直指共買其舟致衙官爭撲落水聞者笑
之又不禁紛紛效之然都不能一當也坐此名大
噪於衢予比自三衢南歸客有望見寅寅者歎其
美予曰休矣彼豈有意我曹者解舟不數里風作
遂止遙見一舸亂流至亦並艤焉則寅寅舟也客
皆狂喜更番速寅寅相過予亦目逆於門顧惟一
斂衽醜然却立命之坐亦坐飲亦飲客強之歌則
鬢扇汗淫淫不能發聲蓋未嘗對客歌也予謂卿

驕名太重故未敢延訪乃獨荷遠辱何耶問久不
答但垂首匿笑而已舉坐大惑胥謂此竒逢不宜
遽散漏下十數刻舟人婦誚讓其婢汝家小娘不
解事尋常託大今乃戀戀他人舟欲留宿耶婢乃
告阿母催歸寅寅始潜然稱曰耳郎名已久今日
凭窻見馬上人訪之隣則謂郎也且徑歸不復
來矣慙愧殺人不得已白母欲俟解維後追送一
別今既相依坐許時可以歸矣起立欲拜吾止之

復微哂曰獨不能送我還舟耶客咸曰禮當於是
啟篷窓逾舳相送則見寅寅獨捧眉翁袂請曰祖
宗般老人不妨私語翁以耳受頻頻頷且擊節稱
歎其慧客問何語翁不答耳授其奴奴笑諾去俄
頃則見諸僕徙予裘絡繹陳設趙壁已懸赤幟矣
一舟皆驚始復譁笑言十六歲女郎狡黠如此苟
不重開宴歌以謝客吾屬當復徙裘去於是筵再
張寅寅知勢不可却乃始回燈障面徐引其聲則

四坐寂然歛容或按節起舞沙上禽亦飛鳴相求
眉翁且不免泣然示衆曰歸休兒癡到此何忍竭
歡不假方便未生當亦若香郎舉體受秋眸之割
客皆大笑遂取寅寅手素扇命予題詞其上歌以
送客予戲作浣溪紗云秋眸如剪淚如泉剪斷江
波不放船盈盈相望一千年驕處石崇休說富癡
時王衍不名錢拜翁仍倚玉郎肩又明日泊常山
矣明年常寧齋遇之蘭溪奇其色停槎過訪欲搜

索奩匣要使一笑寅寅亟前誠勿啟寧齋故故啓
所護則見什重繡襲中唯素扇耳寧齋物色予自
浣溪紗始頃忽得寅寅來問歲末另行注黃繡香
囊一奉獻此內香幸勿忘也予疑而拆視其囊則
香髮一紵有斷痕焉寅寅不能書必羞自言剪髮
事以是給母故代書云云丙午秋白香戲稿
日落蟬聲裏蘋藻微風起含笑看寅寅芙蓉初出
水飛鴉入雙鬢擠得金釵落對鏡撲殘蛾羅衫驚

香詞百選

三

跳脫朱櫻微語破兩頰旋螺小澄碧點秋星聰明
何了了風前不易走但覺湘裙皺剪剪綠波輕寸
寸紅蓮瘦銀河千尺練落我疎簾裏蘿幔捲生香
今宵眠處是誰將卞和璧琢作鴛鴦翅腰自楚宮
來偏偏似郎細桃笙原是竹美滿瀟湘色哭到枕
成冰歸心留不得莎雞怨晴曙嘶馬迎郎去山外
復生山絲鞭指何處昏昏抱雲卧萬頃瑤臺月愁
坐又春殘蟾蜍向儂缺萸囊貯香髮夜夜南州道

等得報章來秋墳茁吟草

右錄選詞一百首適有餘幅欲附錄填詞數篇蓋吾師幼喜製曲弱冠始究心詞律謂宋詞縱筆則流從繩又縛不比元曲易工也今特選最初所作四時曲以證斯語

皂羅袍

燕子依然無恙還認得年時王謝雕梁芭蕉綠透杏花香屏山夢斷空閨響紅喧翠嚷嬌鶯滿窻碧帷金

香詞百選

三元

帳嬌雲滿牀春愁暗鎖眉峰上

一剪梅

平蕪女伴踏春陽人也雙雙燕也雙雙青衫紅袖若成行水上鴛鴦岸上鴛鴦風來不辨粉花香賺殺蕭郎妬殺蕭娘陳隋烟柳斷人腸說不思量怎不思量

破齊陣

弄玉難逢簫史藍橋遠隔裴航薄霧籠花輕雲漏月可奈風前惆悵粉絮一簾遲日上紅香十里燕飛忙

春歸枉斷腸

阮郎歸

章臺人去柳絲長，風來沒主張。
畫梁新燕語雙雙，梅花妬曉粧。
羞見枕怕離牀，醑醑隔幔香。
夢中愁遇楚襄王，孤眠錦瑟房。

右春

滿庭芳

寫韻庭間落梅風軟，權時小坐花前。
日長人懶無力

香詞百選

四

倚雕欄遙見一彎新月上，玲瓏照入湘簾。
最好是焚香弄笛，消遣奈何天。

西江月

西苑金釵十二，南朝粉黛三千。
木蘭舟楫採新蓮，一帶溪山平淺。
嘒嘒柳林蟬噪，飄飄羅袂風牽。
菱歌清唱夕陽天，一陣陣白鷺沙鷗驚散。

八聲甘州

相思不忍眠，任髻散釵斜，雲慵雨倦。
衣輕帶緩，閒憑

孫楚樓邊淒淒梅雨咽新蟬
沉沉玉漏催銀箭誰見
咳辜負了芙蓉一洞天

北點絳唇

顫
細雨廉纖珠簾不捲
腰肢倦小浴溫泉似水
激蓮花

右夏

針線箱

傷感殺殘陽暮鴉却又喜秋容如畫
問蒼天織女公

香詞百選

四一

然嫁何獨任嫦娥守寡
請看那平沙雁落斜陽下
河上碁聲送客槎
真無法愁和怨被西風吹入黃花

玉交枝

湘簾不掛怕見那元鳥辭家
夢雖長難及遊人馬
埋怨殺燕語周遮
青陵已熟邵平瓜
紅樓未合鴛鴦瓦
秋至也樓頭望他
秋去也樓頭恨他

金落索

西風吹鬢華倚望層樓下
遙見那白雲紅葉圍僧舍

江清菊又花冷蒹葭斷橋疎樹遠桑麻夕陽亭外秋
如畫雁影蟬聲送落霞牛羊下返照裡空田噪晚鴉
怕只怕殘砧暮笳風雨琵琶我便要淒涼殺

七孃子

玳梁秋老燕無家對孤燈悄問菱花粉黛相如釵裙
陸賈緣何夜守臨卣寡

右秋

錦堂月

香詞百選

四二

雪掩銀山霜凝玉珮金鑪炭冷烟消雲凍風寒樓外
冶遊人少最淒涼鶴唳猿號為心事明香暗禱如何
好已愁殘花貌瘦損宮腰

啄木鷗

泥金炕暖金貂金鳳金蟬金步搖睡金闈夢醒人遙
幸金屋梅開信早愁容惟恐梅花笑纖腰更比梅花
小纔知道多情易老難度可憐宵

山坡羊

淡慘慘天寒月小，冷清清鏡紅烟裊。聒刺刺疎檣紙
鳴，一陣陣簾外霜風峭。儘今宵心香寸寸燒。自那日
關河雁去，朱顏老，愁看暮柳栖鴉。更黃雲白草蕭條。
掃不盡香閨落燕巢。無聊睡不着，孤燈長夜挑。

繞池遊

雪嬉梅笑，舊院無人到。怕腸斷，玉關人老。病酒無
憀。猗蘭獨操淚珠兒，似瀟湘二姚。

右冬

香詞百選

望

梁州序

偷香韓壽，題橋高手，不愧當年紅袖。蓬山有路，今番
小杜揚州，自愧我人非。簫史才乏相如，孤負章臺柳。
你看鵲橋遙，駕處渡牽牛。那弄玉文君，愿已酬櫻桃
破。鴛鴦鬪，今宵始覺梅花瘦。雙蝴蝶，夢莊周。

甘州歌

三杯餞酒，嘆浮生漂泊。楚尾吳頭，離亭返轡，忍見依
依楊柳。夜闌鵲駕分牛女，春老天台別阮劉。情絲斷。

淚珠流邯鄲枕上夢難留
朝雲散暮雨淡明月同誰
笑倚樓

皂羅袍

莫謂冰心難動怕東風解凍
流近墻東梅花一笑曉
雲空香魂已入羅浮夢
黃昏時節錦瑟房中相逢草
草別去息息英雄到此全無用

醉歸花月渡

東家蝴蝶西家去隔紗窻
歎息誰知不勞鸚鵡說相

香詞百選

四

思紅塵咫尺埋雲子何事恨蕭郎
陌路將儂棄伴迴
避便爾生疑明心誓水負心的心先死
我這裏黃昏
為你斷腸時只怕你羔酒情濃盼漏遲

錦堂月

冷淡梳妝癡憨模樣簾櫳不礙衣香
曲水闌干紅藥
依然無恙笑東風着意輕狂挑逗得芳心暗長
金釵響我這裏銷魂那邊惆悵

黃鶯兒 和韻

柳慢織鶯梭好花枝不厭多
鞦韆幾處橋雲墮翩翩
綺羅纖纖黛螺眉間心上都猜破
眄南柯綠天如夢
其奈落花何

又

釵冷玉釭昏掩明蟾
悵薄雲隔簾人遠天涯近淒涼
酒尊悽惶旅魂安心且在門中悶
再三捫碧衫紅袖
俱有濕香痕

又

香詞百選

四十五

孤鷺匹流霞短因緣不是家
雙成慣守神仙寡情根
恨芽金鞍繡車綠楊官道嘶驕馬
倘尋他別時紅淚
千里杜鵑花

又

風過竹蕭騷撫雕欄惜夜遙
銀灣冷淡波聲小新愁
自招心香自燒絲桐暗譜猗蘭操
盼題橋蛾眉捧硯
馬上筆峰高

附錄填詞得離騷之數版盡而止 鈇并註

題詞

洞仙歌

用集中和雪君韻

婺源

胡翔雲黃澐

章江一棹悵重遊，難果忽覩，雲向空墮。有烏絲百疊，紅豆千枚，真不愧，獨占詞壇高坐。知音曾有幾，兩地相思，不了因緣證。香火聽徹，洞仙歌拚醉。天香頓脫，却風塵關鎖，待他日南泉續清吟想。鐵棹齊鳴，箇中添我。

百字令

董邦超夢堂

香詞百選

題詞

一

洪厓山下見人間，杜牧是真才子，載酒江湖，攜筆硯一卷，烏絲闌紙。楚尾吳頭，燕南趙北，處處牽情思。香詞數闋，權歌應有人記。疑是九轉迴腸，三生夙慧，百八牟尼似欲向青天搔首問，咄咄逼人如此。竹垞云：遙銅絃已歇，作者今無幾。高歌擊節，一杯聊酌江水。

洞仙歌

董鍊金牧堂

清詞萬疊，是仙家眷屬。咳唾隨風灑珠玉，向梁園

歸後寫韻軒開紅燭下譜遍人間絲竹 當年門
弟子妙選新聲玉重明珠幾千斛特亮此天才結
夏招提消受了人天清福為再問五老卧遊時想
神馬尻輪可曾招僕

賀新涼二首

董桂洲蕪泉

記買星江舫歟因緣巫山咫尺霎時相左惆悵望
舒樓前月留得新詞婀娜向壁上猜詳猶可疑是
玉皇香案吏儘風流不為浮名鎖溫一點佛龕火

香詞百選

題詞

二

效顰自笑渾無那不名家絃么徽急拾人餘唾
坐此無成芳春去懊惱秋娘老大快百琲珍珠遺
我一字一嫌酬不得是陽春白雪皆難和吹鐵笛
恐應破

慣唱旗亭柳譜風懷屯田柳七涪翁黃九蔣求以
來無其豔否或前身石帚付剗劇居然不朽未免
有情誰遣此漫吟豈落風詩後甘死者早知否
人生難得唯嘉耦要修成玉簫峯屬彩鸞夫婦

小別千年滄桑換又

半醉填成紅

豆分付小紅

北良宵風月休孤負歌一闋

一迴首

滿江紅用集中自題詞韻

董桂山小叢

司馬青衫慍不盡滿襟珠淚須細看偷聲減字幾
多離思蓉舫香囊紈扇引蓮臺繡枕神鍼刺想空
江紅袖寄烏絲天仙比巫山夢曹騰睡臨卣酒
糝糊醉任淺斟低唱等閒遊戲燕子樓頭翻舊譜

香詞百選

題詞

三

桃花障面添新記付雙鬟齊拍入琵琶清如此

解佩環

三瀟王 頃樂林

紅酣綠醉以玉國梅花美人標致數點芳心一縷
柔情領徧春風滋味更憐嫵媚寅寅曲早賺得謝
孃簪髻想當時紅豆屏風定有人兒偷記說甚
銅絃鐵板笑髯坡強事粗豪自喜怎比香詞僕柳
奴煮真個苦處向羅五色生花管却散作天
葩游戲看許多碎錦

仁氣

